



DOUGLAS MACARTHUR KINDERGARTEN ACADEMY

Nicole Jewell
Principal
Nikki Blackley
Assistant Principal
phone 317-782-2200
fax 317-791-5634

attendance:

317-782-2202 Douglas MacArthur Kindergarten Academy Attendance Phunglam

Ngakchia nih an thancho khawhnak caah le a sangbik dir hmun an phak khawhnak ding caah cun sianginn nifatin kai peng hi a biapi tuk mi asi. Indiana State nih cun fimcawnnak hi a pakhatnak ah a chiah mi asi. Atanglei i kan langhter mi hna hi, sianginn riantuantu le hruaitu pawl nih Douglas MacArthur Kindergarten Academy/Elementary Sianginn ah attendance a biapitnak pawl an si:

1. Nifatin sianginn kai pengnak nih siangngakchia hna nih tuanvo ngeihnak an ngeih khawhnak hnga caah a bawmh khawh deuh hna.
2. Siangngakchia nih a biapimi pakhatkhat ruangah sianginn kai lo caan cu um phung asi ko nain a tlawm awk asi.
3. Siangngakchia pakhat nih sianginn a kai lo tikah, a cawn hnga ding cu dinh lo in cawn asi. Khi tikah a kai lo mi siangngakchia cu a hawi le dang tluk in an cawnmi a thiam ti lo.
4. Sianginn nih ngakchia nih sianginn rat lo in an um khawh zat a rikhih piak hi a phung le aa tlakmi asi. Saya/mah te hi siangngakchia nih cawnnak ah aa tel lawngah mark ngah khawhmi tuah ding in fial an si. Hi nih hin siangngakchia nih sianginn kai a hau ti lungput a ngeihter khawh deuh hna.
5. Sianginn tlai asilole sianginn nicheu baunak nih hin siangngakchia sianginn ah an thancho hnga tawh a thangcho ter hna lo. Sianginn an kai lo poh ah an kai lo zat rel asi lai i, sianginn kai lo in siangngakchia nih um khawh zat a ri khih piak an si lai. Nifatin sianginn ah minutes 10 tlai in rat asiloah sianginn in minutes 10 tuan deuh in chuah nih caa cawn caan suimilam 60 chung a bau ter hna. Cucu sianginn zarhnhn hrawng kai lo tluk asi.
6. Nu le Pa nih kan i cinken awk asi mi cu sianginn kai kumkhat chungah hin ngakchia chimhnak caan hi suimilam 1,260 lawng kan ngei. Siangngakchia nih ni 10 chung sianginn kai lo in a um mi nih caa cawn caan suimilam 70 poh cu a bau ter tinak asi. Saya/mah le te nih a kai lo mi pawl nih an cawn rih lo mi chimh than hi a fawi ti lo caah sianginn kai lo tamtuk nak nih hin siangngakchia an fimthiamnak a zorter.

Grow wise, Little Owls



**DOUGLAS
MACARTHUR**
KINDERGARTEN
ACADEMY

Nicole Jewell
Principal
Nikki Blackley
Assistant Principal
phone 317-782-2200
fax 317-791-5634

Attendance Kongah Nu le Pa le Siangngakchia Nih Zulhphung

Nafa sianginn kai lo ding asi ahcun, a kai lo ni i chun **12:00 P.M.** hlan ah nu le pa nih sianginn zung theihternak nan tuah hrimhrim hna herh lai. Nafa sianginn hi chun 12:00 p.m. hlan ah theihternak na tuah hna i sianginn a kai khawh lonak a ruang hi a tanglei kan tialmi he aa tlak mi asi ahcun EXCUSED tiah tial piak asi lai. Siangngakchia chungkhar nih nafa sianginn rat lo ni ah sianginn na kan chawnh lo asi i chun 12:00 p.m hnu ah na kan chawnh asi ahcun, nafa kha UNEXCUSED (sianginn a ra lo) tiah tial piak asi lai. Nu le Pa nih sianginn thawng zei hmanh na kan thanh lo asi ahcun, sianginn lei nih awtun ciامي aw in phone chawnh nan si te lai. Nafa nih sianginn a rat lo mi hi nu le pa theih in asi ko ti kan hngalh khawhnak ding caah cun nu le pa nih sianginn theihternak na kan tuah ding hi a biapi tuk mi asi. Inn ah phone nan ngeih lo sual asi ahcun, phone kan ngei loh tiah catial in nafa sianginn sayaci sinah pek khawh asi. Inn ah phone a ngei lo mi fale cu, sianginn a kai than tikah a rak kai lo mi ni le caan kha ngaihthiam asi ko timi caa pek asi te lai.

Grow wise, Little Owls



DOUGLAS MACARTHUR KINDERGARTEN ACADEMY

Nicole Jewell
Principal
Nikki Blackley
Assistant Principal
phone 317-782-2200
fax 317-791-5634

Sianginn Kai Lo Tik I Aruang Ngeihthiam Khawh Mi (Excused Absences)

Siangngakchia nih kumkhat chungah nulepa/zohkhenhtu nawl in sianginn kai lo khawhnak Ni 10 an ngei. Hi chungah hin zawt tik i siibawi nih caatial piakmi cu rel chih asi lai lo.

Nulepa/zohkhenhtu nawl in sianginn kai lo in um khawhnak ni 10 an ngeih mi a dih hnu ah siangngakchia nih sianginn kai lo in an um asi ahcun, nawl pek lo in sianginn a bau tiah cazin ah tial asi lai. Sianginn voitampi a baumi siangngakchia cu an caa an tuah rih lo mi va tuah awkah siangngakchia a felmi lawng nih kal khawhnak building dang ah kalnak nawl an ngei lai lo. Atang i kan langhter mi hna hi siangngakchia nih sianginn kai lo tik i ngaihthiam khawh mi pawl hna an si:

- Zawt ruang i sianginn kai lo tikah nu le pa nih catial in theihternak a kan tuah mi (Sianginn kai kumkhat ah voi 10 tiang ngah)
- Siibawi te nih catial in fehter mi zawtnak
- Accident ton tik i, i thlop tik (siibawi te nih catial piakmi asi hau)
- Court kai (court lei in cakuat mi ngeih a hau)
- A biapi mi appointment – Nu le Pa nih hin nafa sii lei, ha lei, le upadi lei, le a dang a herhmi appointment nan lak piak tikah sianginn kai lo caan ah lak piak dingin thazaang pek kan in duh hna. Sianginn kai ni le caan ah appointment lak a herh sual asi ahcun, siangngakchia nih appointment kal dih hnu ah sii sibawi, ha sibawi, upadi lei mifim, ruahnak petu tibantuk hna sin in min thutmi catlap he sianginn ah rak kai colh than a hau lai.
- Chungkhar naihnam an thih tik
- Biaknak lei puai ngeih caan
- College tlawn (College lei in caa tialpiak mi ngeih hau)
- Chungkhat ralkap a tla mi asi i ralkap an luh tik le an chuah tik i don/thlahnak ah kal
- Superintendent nih a cohlan khawhmi asiloah upadi nih a onhmi thil ah i tel tik

Grow wise, Little Owls



DOUGLAS MACARTHUR KINDERGARTEN ACADEMY

Nicole Jewell
Principal
Nikki Blackley
Assistant Principal
phone 317-782-2200
fax 317-791-5634

Sianginn Kai Lo Tik I Aruang Ngeihthiam Khawh Lo Mi (Unexcused Absences)

- Kumkhat chungah a tambik voi (10) nulepa/zohkhenhtu nawl in sianginn rat lo khawhnak onhmi a dih hnu in catialpiak mi ngeih lo in sianginn kai lo.
- Sianginn kai lio ah khual tlawn (vacation). Nulepa/zohkhenhtu poh sianginn a um lo tikah chungkhar cawlcanghnak timhtuahnak ngeih dingin ruahnak cheuh kan in duh hna.
- Nawl pek loin sianginn kai lo in um
- Siangngakchia nih sianginn kai lo tikah, nulepa/zohkhehtu nih chun 12:00 p.m hlan ah sianginn thawng na kan thanh lo caan poah.
- Siangngakchia nih bus tlai ruang, thawh tlai, alarm rawh ruang, moto kalnak kongah buai tibantuk ruangah sianginn zingka 10:00 a.m hnu ah sianginn phak.
- Sianginn rat lonak aruang cohlan khawh mi i (Excused absence) kan tialmi ah a tel lo mi poh

Tlai (Tardies)

Sianginn hi zingka 9:10 a.m in thok asi i siangngakchia vialte nih hi caan ah hin an khaan ah um dih a hau cang. Zing 9:20 a.m hnu le zing 10:00 a.m tiangah sianginn phan rih lo mi siangngakchia cu a TLAI (TARDY) tiah cohlan asi lai. Zingka 9:10 a.m hnu ah sianginn a phan mi siangngakchia cu nu le pa nih sianginn office ah min nan thut piak hmasa hna a herh lai. Zingka 10:00 a.m le 12:00 p.m kar ah sianginn a phan mi siangngakchia cu nicheu chung sianginn a bau tiah ruah asi lai. A tlai peng mi siangngakchia cu an caa dih rih lo mi tuah awk ah a felmi siangngakchia lawng nih an kal khawhnak hmun ah kalnak nawl an ngei lai lo.

Grow wise, Little Owls



DOUGLAS MACARTHUR KINDERGARTEN ACADEMY

Nicole Jewell
Principal
Nikki Blackley
Assistant Principal

phone 317-782-2200
fax 317-791-5634

Caan

Tampi Sianginn Kai Lo

- Siangngakchia nih kumkhat ah a tambik ni 10 poh nulepa/zohkhenhtu hnatlak in sianginn kai lo in um khawhnak nawl an ngei. Cu ni 10 dih hnu ah, siangngakchia nih sianginn kai lo in a um i a rak kai than ni 2 hnu tiangah catlap a rak i ken lo asi ahcun unexcused (kai lo) tiah cazin ah tial piak asi lai.
- Nu le Pa nih nafa sianginn a kai lo dingmi thawng na kan thanh hnu i ni li(4) a liam asi ah cun, nafa a rak kai than tik ni hnih (2) chungah sianginn a rak kai lo mi ni vialte hna cu ngaihthiam asi khawhnak ding caah siibawi nih tialpiak mi catlap a rak i put a herh lai.
- Sianginn kai tthan hnu ni 2 chungah siibawi nih tialpiak mi catlap na kan pek asi ahcun a kai lomi ni vialte cu ngaihthiam a si lai.
- Zarh 9 dan chung poh ah voi 5 nak tam sianginn kai lo in (unexcused absences) a um asi ahcun nulepa cu cakuat in theihter nan si lai i nafa sianginn kai lo kong ah tonnak ngeih asi te lai. Hi tonnak ngeih asi tik ah nafa sianginn kai kongah timhtuah piakmi an ngeih mi zong hrawmh chih nan si te lai.
- Siangngakchia nih sianginn kai lo voi hra (10) a luan hnu ah, siangngakchia le nulepa nih Department of Student Services sinin a hnu tuah dingmi le a chuak khomi thil sining pawl cakuat nan hmuh te lai.

Caa Tuah Rih Lomi Tuah Than Khawhnak

Grow wise, Little Owls



DOUGLAS MACARTHUR KINDERGARTEN ACADEMY

Nicole Jewell
Principal
Nikki Blackley
Assistant Principal

phone 317-782-2200
fax 317-791-5634
Siangngakchia nih
sianginn kai lo ruangah

an caa an buah lo mi buah than khawh asi. Sianginn caa buah rih lo mi buah than cu
siangngakchia rian asi. Phunglam ningin, siangngakchia cu sianginn a kai lo caan zat in a buah
rih lo mi caa buah thannak caan pek asi lai.

Sianginn in dinhter asi chung zongah siangngakchia cu sianginn in dinhter asi chung i
homework an ngeih mi poh a rak kai than tik ah a buah than dih a herh lai. Credit hmuh
khawhnak ding caah cun, saya/mah nih buah thannak caan khiah piakmi caan chungah a caa a
buah dih a hau lai. Sianginn in dinhter chungmi siangngakchia hna cu test, quiz, asilole project
ngan deuhmi an buah rih lo mi buah thannak nawl pek an si lai. Hi buah khawh thannak ding caah
hin siangngakchia nih saya/mah a hal hmasa hna a herh fawn lai. Test, quiz, le project ngan
deuhmi hna cu siangngakchia nih sianginn a kai than tik ah buah khawh an si lai. Siangngakchia
hi sianginn in dinhter chung asi ni le eLearning day a ton asi ahcun, cu ni cu sianginn dinhter mi
ni chungah rel asi lai lo. A thaizing i sianginn kan kai than ni tu in rel asi te lai.

Grow wise, Little Owls



DOUGLAS MACARTHUR KINDERGARTEN ACADEMY

Nicole Jewell
Principal
Nikki Blackley
Assistant Principal
phone 317-782-2200
fax 317-791-5634

Sianginn

Cawlcanghnak I Telnak (Attendance)

Siangngakchia hna cu sianginn i cawlcanghnak i a telmi ah i tel khawhnak ding caah cun, mah ni ah sianginn a kai a hau lai. Siangngakchia cu a zawt ruangah inn tinter asi ahcun, cu ni ah tuahmi puai paoh ah i tel khawh a ngah lai lo. Siangngakchia cu sianginn in dinhter chung asi lio caan chung poh ah sianginn le sianginn he a pehtlaimi cawlcanghnak tuahmi poh ah i tel khawh a ngah lai lo.

***Siangngakchia pakhat nih dam lonak pakhatkhat ruangah appointments kal peng a hau mi cu sianginn hruaitu pawl he biaceih hnu le siibawi te nih catialpiak mi catlap a kan pek hnu ah sianginn a rat khawh lo mi ni hna cu ngeihthiam asi lai. Tam deuh theih na duh ahcun, kan office pehtlaih khawh kan si.**

Grow wise, Little Owls